



Yāmb yembr fāa sā n maan sik a Pūusgē, n ka mi yē sēn pūusā yaa wāna, tāab bū naase, bū a yāk sikā tēk n lobe, la a rogl yē sēn tar bas-m-yamā zugu, rē poorē bū a maan suguud a yiibū taoor t'a na n ka ning sallem

Yii a Abū Sa‘īd Al-ḥudriy nengē, (Wēnd yard be a yīnga), a yeelame, Wēnd Tēn-tūvma, (Wēnd pūusg la A tūlgr be a yīnga), yeelame: «Yāmb yembr fāa sā n maan sik a Pūusgē, n ka mi yē sēn pūusā yaa wāna, tāab bū naase, bū a yāk sikā tēk n lobe, la a rogl yē sēn tar bas-m-yamā zugu, rē poorē bū a maan suguud a yiibū taoor t'a na n ka ning sallem, sā n da mikame t'a Pūusgā yaa a nu, suguud sahwiwā (yīmbā suguudā) na n sūgsā a Pūusgā n manege, la sā n mikame t'a sēn pūusā yaa sēn pid naase, suguud a yiibā yīta a svūtāan yō-tēgre».

[Naşun Şahuhun (Gom-sikdem sēn manege)] [A Muslim n togs-a]

Nabiyaamā (Wēnd pūusg la A tūlgr be a yīnga) vēnegame, tū pūusd sā n maan yam yoogo, n ka mi a sēn pūusā yaa wānd, yaa tāab bū yaa naase, bū a lobg rakaar ning sēn paasa n yaa sikā, la a ra geel-a ye, bala yaa tābabā la bas-m-yamā sēn be wā, rēnd a pūusda rakaar a naase n paase, rē poorē bū a maan suguud a yiibū, taoor t'a ka ning sallem ye. Sā n mik t'a sēn pūusā hakulk rag n yaa naase; woto lebgga nu, yē sēn paas rakaar ningā, la yīmbā suguudā yē sēn maanā, bāmb ledgda rakaarā, rēnd kītame tū sōorā ka tar lugum ye, la sā n mikame tū yēnda sēn Pūusā n lagem ne rakaarā fāa yaa naase, mikdame t'a maana būmb ning sēn be ne-a wā, a ka paase, a ka booge. La yē sēn maan yīmbā suguud a yiibā lebgame masa tū yaa yaalg tusb ne a svūtāana, n lebsda a svūtāan t'a yaa yaalga tū b zāag-a t'a ka paam a sēn rat-a ye, bala a svūtāan gēdga yē Pūusgā n rat n na n sāam-a, la Ādem biig Pūusgā pidame, a sēn wa n sak Wēnd sagellā sēn yeel t'a maan suguudā, suguud ning a svūtāan sēn kūs Wēnd n ka maanā, a sēn wa n tōdg tū yē ka na n sak Wēnd n maan a Ādem suguudā.

النّجّات الخيريّة
ALNAJAT CHARITY

